

通州志卷之一

封域志 凡目十

郊圻封守大一統之治也密邇首善襟帶 邦畿疆域所  
關更鉅通富尾分於古爲幽州所謂陰陽之氣本乎地而  
應乎天者星土建樹辨覈宜周矣至若孤山潞水磅礴絲  
亘以及里相錯市相連村居稠密勝地流傳涉斯土者諮  
訪及之可乏職方典故以爲指掌助乎志封域

星野

沿革

疆界

山川

鄉屯

關廂井巷

村鎮

旗莊

市集

古蹟



星野

保章氏以星土辨九州之地所封之域皆有分星以觀祗

祥 周禮

十二次之分析木燕也 周禮註

應鍾亥之氣也十月建焉而辰在析木 周禮註

析木燕之分星幽州之星土也 周禮總義

孟冬之月日在尾 月令

孟冬者日月會於析木之津而斗建亥之辰也 月令註

自尾四度至斗六度謂之析木之次燕之分野 月令章句

箕尾為燕 春秋說題辭

析木謂之津箕斗之間漢津也 爾雅

箕龍尾斗南斗天漢之津梁 爾雅註

天漢即天河也天河在箕斗二星之間箕在東方木位斗

在北方水位分析水木以箕星為隔隔河須津梁以渡

故謂此次為析木之津也不言析水而言析木者此次

自南而盡北故依此次而名析木也 爾雅疏

尾箕幽州 史記天官書

箕尾為析木 漢書律歷志

燕地尾箕分野也東有漁陽右北平遼西遼東自危 尾字之誤

四度至斗六度謂之析木之次燕地分也 漢書地理志

十二次度數自尾十度至南斗十一度爲析木於辰在寅

燕之分野屬幽州

費直易說析木起尾九度蔡邕月令章句析木起尾四度。晉書天文志

漁陽入尾三度

晉書天文志

尾亦爲九子

隋書天文志

析木爲雲漢末派山河極焉故其分野自北河末派窮北

紀之曲東北負海爲析木負海者以其雲漢之陰也

唐書

天文志

北斗七星五曰玉衡爲音主土其分爲燕又曰第八曰弼

星在第七星右不見漢志主幽州

宋史天文志

野旅寅爲析木之津

野謂星野旅謂躔次寅者辰舍東方之位。遼史地理志

黃道十二次宿度尾三度一分一十五秒入析木之次辰

在寅太陽黃道十二次入宮宿度尾三度九十七分七

十二秒外入燕分析木之次辰在寅 元史歷志

尾三度至斗二度析木之次也涿通薊皆尾分 明史天文志

白尾十度至斗七度一百三十五分而終曰析木之次於

辰在寅謂之攝提格於律為應鍾斗建在亥今燕分野

度與費直易說蔡邕月令章句  
晉書天文志互異。帝王世紀

尾漢洛下閎所測十八度宋皇祐所測十九度崇甯所測

十九度少元郭守敬所測十九度一十分 古今律歷考

通州三河武清尾二度 清類天文分野書

按箕尾屬燕次當析木此指封域之一州言詳於通者溯其源以測其流也獨詳尾者通爲尾分屬尾二度箕爲賓而尾爲主也顧費直蔡邕皇甫謐析木起度已不相符則又必合箕尾以考尾度而推步益準歟





沿革

顓頊都於帝邱其地北至幽陵此屬畿內地

帝嚳受顓頊所建創制九州統領萬國北至於幽陵此屬

畿內地

唐堯使禹平水土以爲九州此屬冀州域

虞舜肇十有二州分冀之東北爲幽州此屬幽州域

夏省幽并營仍爲九州此屬冀州域

商省青梁并仍爲九州此屬幽州域

周東北曰幽州卽燕地武王封召公於燕此屬燕

戰國此屬燕

秦制天下爲四十郡此屬漁陽郡

漢置此爲路縣屬漁陽郡武帝置十三州幽州刺史領漁

陽郡北爲幽州屬縣王莽改路縣爲通路亭

後漢此爲漁陽郡治領路縣

路加水旁  
自後漢始

三國燕爲魏地此屬魏

晉此屬燕國

東晉永和五年慕容儁僭位於燕子暉爲苻堅所滅此屬  
苻秦堅敗地復入慕容垂及馮跋殺垂之子孫而自立  
稱藩於宋後魏代之取其地

後魏此屬幽州漁陽郡

北齊此屬漁陽郡

隋開皇初廢漁陽郡此改屬涿郡

唐武德二年復改諸郡爲州自無終徙漁陽於此置元州  
領潞臨洺漁陽無終四縣貞觀元年廢元州省臨洺無  
終二縣以潞漁陽屬幽州隸河北道開元四年析潞縣  
地置三河縣天寶元年改幽州爲范陽郡此屬范陽寶  
應元年復爲幽州此仍屬幽州

五代後唐莊宗拔燕時趙德鈞鎮幽州苦遼數抄掠乃於  
州東五十里城潞縣而戍之石晉天福中割其地入於

遼

宋宣和四年改燕京爲燕山府此屬燕山七年郭藥師以  
燕山叛地入於金

遼會同元年陞幽州爲南京設幽都府開泰元年改南京  
爲燕京幽都府爲析津府此屬析津

金改燕京爲中都路置大興府此屬大興天德三年改黎  
陽之通州爲濬州以此縣陞爲通州領潞三河二縣潞  
爲附郭

元此屬大都路大興府領潞三河二縣

明洪武元年改大都路爲北平府徐達常遇春徇通州後  
省潞入州屬北平府永樂十九年都北京改北平爲順

天府此屬順天領三河武清寶坻灤四縣嘉靖末改屬密雲道天啟元年設監軍監事轄通州四年裁崇禎二年復設

國朝此屬順天府隸通州兵備道順治七年隸通密兵備道

十四年隸通薊兵備道俱仍領四縣順治十六年省灤

縣入州灤本漢泉州地漢末移縣於三角淀更名雍奴

名武清縣隸河北道遼置鎮於灤陰村設灤陰縣金因

之隸大都路明洪武初降仍領三武寶三縣康熙八年

為縣隸通州今省入州此屬通永道雍正六年此屬東路廳刑名由東路廳核

轉錢穀由通永道核轉所領三縣改隸廳屬乾隆十九

年錢穀亦歸東路廳核轉其三縣改隸之後文移尙仍  
統屬舊制乾隆二十五年詳准改用平行

疆界

州境幅幘二百八十里

州距京四十里

州距省三百七十里

正東至半壁店二十五里界連三河縣

正南至安平六十里界連武清縣

正西有南北二道南道至雙橋二十里界連南城兵馬司

係進京東便門土道北道至三閒房二十里界連大興

縣係進京齊化門石道

正北至岡子上二十里界連順義縣

東南至橋兒上五十里界連香河縣

西南至回回營七十五里界連東安縣

東北至高樓四十里界連三河縣

高樓係通州三河分管

西北至金盞河二十五里界連東城兵馬司

交界在婁子莊北係州屬

金盞河係東城管



山川

孤山

方輿紀要云孤山在州東四十里四面平曠一峯獨秀  
因名李景隆攻北平燕王自大寧還至孤山列陣於  
白河西卽此

按孤山在州城東三十里與三河縣交界高可二十  
餘丈舊傳八景中平野孤峯卽此山頂有塔始建莫  
詳今塔頂全圯尙存中下幾層塔旁有古寺其名無  
考舊志僅載孤山不及塔寺然日下舊聞已有明馬  
中錫登孤山書寶峯寺壁詩而燕山紀游載盤山除